

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE
Stručna služba Gradskog vijeća
Broj: 01-04-496/24-AP-5
Datum: 28.02.2024. godine



074-AP 07-09
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno: 07-03-2024

Org. jst.	Kl. ozn.	Reg. broj	Br. priloga
02	04	022/24	

GRADONAČELNIK **ZAVIDOVIĆI**

PREDMET: Vijećnička pitanja i inicijative sa 22. sjednice Gradskog vijeća održane, dana 28.02.2024. godine, dostavljaju se.

Na osnovu člana 167. stav (1) i člana 171a. stav (1) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), u prilogu akta dostavljamo vijećnička pitanja i Inicijative postavljene na 22. sjednici Gradskog vijeća održanoj, dana 28.02.2024. godine:

- Inicijativa vijećnika Haris Hodžić – Inicijativa za donošenje Odluke o finansiranju projektnih aktivnosti Sportsko rekreativnog udruženja „Enduro Zavidovići“.
- Inicijativa vijećnika Ferida Kaknjaševića - Inicijativu naslovljenu na direktora i menadžment Javnog komunalnog preduzeća „Radnik“ Zavidovići kojom predlažem izradu projekata i plana za ekonomski i ekološki prihvatljivo grijanje.
- Inicijativa samostalnog vijećnika Samira Skejića – Inicijativa za pripremu studije o trenutno dostupnoj radnoj snazi iz oblasti drveno-prerađivačke industrije. (1)
- Inicijativa samostalnog vijećnika Samira Skejića - Inicijativa za izradu studije o dostupnim drvnim resursima na području Grada Zavidovići. (2)
- Inicijativa samostalnog vijećnika Samira Skejića – Inicijativa za uvođenje obaveznog testiranja na konzumaciju alkohola za učesnike sjednica Gradskog vijeća. (3)
- Inicijativa samostalnog vijećnika Samira Skejića - Inicijativa za uspostavu policijske ophodnje na biciklima. (4)
- Inicijativa samostalnog vijećnika Samira Skejića - Inicijativa za pošumljavanje područja gradske deponije. (5)
- Inicijativa samostalnog vijećnika Samira Skejića - Inicijativa za obilježavanje mjesta pogibije boraca iz Odbrambeno-oslobodilačkog rata. (6)
- Inicijativa samostalnog vijećnika Samira Skejića - Inicijativa za osnivanje Kluba liječenih ovisnika o kocki. (7)
- Inicijativa vijećnika Igora Šimšića – Inicijativa za donošenje Odluke o izradi Strategije razvoja sporta na području Grada Zavidovići (i u konačnici hitne realizacije).
- Inicijativa samostalnog vijećnika Šemse Fehrića – Inicijativa da se putem Federalnog ministarstva prometa i komunikacija pokrenu aktivnosti na nivelaciji kanalizacioni šahtova na magistralnom putu M 17.1 „Žepče-Zavidovići-Banovići-Živinice“ i to na dionici od mosta na rijeci Gostović, pa do mosta na rijeci Bosni na ulazu u Grad Zavidovići.

- Vijećničko pitanje vijećnika Ferid Kaknjašević (1) i (2);
- Vijećničko pitanje samostalnog vijećnika Samira Skejića (1), (2) i (3);
- Vijećničko pitanje vijećnika Šemsudina Skejića (1), (2) i (3);
- Vijećničko pitanje vijećnika Igora Šimšića;
- Vijećničko pitanje samostalni vijećnika Šemso Fehrić.

U prilogu akta dostavljam Vam vijećnička pitanja i Inicijative postavljena na 22. sjednici Gradskog vijeća održane, dana 28.02.2024. godine.

Odgovore na postavljena vijećnička pitanja i inicijative potrebno je dostaviti predsjedavajućem Gradskog vijeća radi uvrštavanja u dnevni red naredne sjednice Gradskog vijeća.

S poštovanjem.

PRILOG: Vijećnička pitanja i inicijative sa 22. sjednice Vijeća održane, 28.02.2024. godine.

DOSTAVLJENO:

1. Naslovu,
2. U spis
3. a/a



PREDSJEDAVAJUĆI
GRADSKOG VIJEĆA

Fojnica Admir, prof.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



Stručna služba Gradskog vijeća
Broj: 01-04-496/24-AP-5
Datum: 28.03.2024. godine

GRADONAČELNIK **Z A V I D O V I Ć I**

PREDMET: Vijećnička pitanja i inicijative sa 22. sjednice Gradskog vijeća održane, dana 29.02.2024. godine, dostavljaju se.

Na osnovu člana 167. stav 1. i člana 171 a. stav 1. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22), u prilogu akta dostavljamo vijećnička pitanja i Inicijative postavljene na 22. sjednici Gradskog vijeća održanoj, dana 29.02.2024. godine:

Haris Hodžić

Predmet: Inicijativa za donošenje Odluke o finansiranju projektnih aktivnosti Sportsko rekreativnog udruženja „Enduro Zavidovići“

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim Inicijativu za finansiranje projektnih aktivnosti Sportsko rekreativnog udruženja Enduro Zavidovići za 2024. godinu u iznosu od 5.000,00 KM.

U skladu sa stavom 4. pomenutog člana ovu inicijativu dostavljamo u pisanoj formi sa obrazloženjem kako slijedi:

Sportsko rekreativno udruženje „Enduro Zavidovići“ je osnovano na inicijativu grupe ljubitelja ekstrem endure vožnje. Klub je osnovan u toku 2020. godine i trenutno broji 53 aktivna vozača, te preko 100 članova udruženja i prijatelja kluba. Udruženje je član Moto saveza BiH, osnovano u cilju afirmacije i promocije sporta, uz posebni angažman vozača sa adrenaliskim vožnjama.

Obzirom da ovo udruženje u prethodnom periodu nije imalo značajnu podršku od strane Grada Zavidovići, a da pri tome svojim zapaženim rezultatima na domaćim i međunarodnim takmičenjima promoviše našu lokalnu samoupravu, predlažemo Gradskom vijeću Zavidovići da jednoglasno usvoji inicijativu za finansiranje projektnih aktivnosti Sportsko rekreativnog udruženja Enduro Zavidovići za 2024. godinu u iznosu od 5.000,00 KM.

Sredstva za realizaciju ove inicijative predvidjeti Budžetu Grada Zavidovići za 2024. godinu kroz konto 614122 Tekući transfer za fizičku kulturu i sport.

S poštovanjem,

Ferid Kaknjašević

Predmet: Inicijativa

Na osnovu članova 8 i 87 Poslovnika o radu Gradskog vijeća Zavidovići upućujem vijećničku inicijativu naslovljenu na direktora i menadžment Javnog komunalnog preduzeća „Radnik“ Zavidovići kojom predlažem izradu projekata i plana za ekonomski i ekološki prihvatljivo grijanje.

Obrazloženje:

Već dugi niz godina dvije kotlovnice za centralno grijanje u gradu su u takvom stanju da su amortizovane, sa nedostatkom dijelova i koriste ugalj kao fosilno gorivo.

Radi zaštite okoliša i zdravlja stanovnika te bolje ekonomske isplativosti krajnje je vrijeme da se ozbiljno krene u rekonstrukciju i zamjenu alternativnim izvorima energije.

Predmet: Vijećničko pitanje (1)

Na osnovu članova 8 i 87 Poslovnika o radu Gradskog vijeća Zavidovići upućujem vijećničko pitanje naslovljeno na direktora i menadžment Javnog komunalnog preduzeća „Radnik“ Zavidovići u kojem tražim informaciju zašto u radni odnos nisu primljeni komunalni redari.

Obrazloženje:

Nakon usvajanja izvještaja o radu za JKP „Radnik“ za 2022. godinu jedan od zaključaka je bio da će se uposliti dva komunalna redara radi nadzora održavanja komunalnog reda i higijene.

Predmet: Vijećničko pitanje (2)

Na osnovu članova 8 i 87 Poslovnika o radu Gradskog vijeća Zavidovići upućujem vijećničko pitanje naslovljeno na direktora i menadžment Javnog komunalnog preduzeća „Radnik“ Zavidovići u kojem tražim informaciju o prikupljanju i odvozu električnog i elektroničkog otpada.

Obrazloženje:

Po planu imamo jedno sabirno mjesto za navedeni otpad, ali smo svjedoci da se isti miješa sa nesortiranim kućnim otpadom što značajno može utjecati na zdravlje ljudi i zaštitu okoliša.

Mislim da bi se posebno trebali odrediti uvjeti i odredbe prikupljanja, odlaganja i predaje ove vrste otpada.

Samir Skejić

Predmet: Vijećnička inicijativa (1)

Priprema studije o trenutno dostupnoj radnoj snazi iz oblasti drvno-prerađivačke industrije

Obrazloženje:

Grad Zavidovići približno sto i pedeset godina baštini tradiciju u oblasti drvno-prerađivačke industrije sa stanovitim prekidima u proizvodnji tokom prošlog i dvadesetogodišnjim prekidom u ovom stoljeću. Obzirom da do sad nisu valorizirani izgledi da se pristupi obnavljanju proizvodnje u državnom vlasništvu predlažem da se sačini kratka studija o raspoloživoj radnoj snazi iz ove oblasti kako bismo imali uvid u šanse za revitalizaciju proizvodnje od drveta i drvnih sortimenata.

U pripremi studije koristili bi se relevantni podaci dobijeni od Biroa za nezaposlene osobe, podaci dobijeni posredstvom medija, poziva građanstvu od strane Grada ili podaci dobijeni kroz koordinaciju s mjesnim zajednicama. Po dovršenoj studiji Grad i gradske vlasti bi na raspolaganju imali najvažnije informacije o razvojnim šansama za ovu industrijsku oblast i već prema dostavljenim rezultatima bi se donosili planovi za kapitalna ulaganja u oblasti proizvodnje ili bi se u slučaju nedovoljne radne snage dugoročno odustalo od planova za obnovu proizvodnje.

Za realizaciju inicijative su nepohodna određena novčana sredstva koja po slobodnoj procjeni iziskuju značajna sredstva.

Predlažem da se inicijativa uobliči u formu elaborata i po njenoj dovršenoj pripremi uputi na Osnivača nekadašnjeg preduzeća IP Krivaja.

Predmet: Vijećnička inicijativa (2)

Inicijativa za izradu studije o dostupnim drvnim resursima na području Grada Zavidovići

Obrazloženje:

Inicijativa je komplementarna prethodnoj, ali je njen sadržaj u pogledu nadležnosti izvan okvira Grada i iziskuje dobru komunikaciju s nadležnim šumsko-privrednim društvima na nivou kantona.

Konkretno, od nadležnog preduzeća, arhiva ZE-DO kantona i drugih statističkih evidencija za potrebe studije treba zatražiti dostupne podatke o raspoloživim drvnim resursima i potencijalu tzv. tehničkog drveta kao osnovnoj predispoziciji u programu obnavljanja drvne industrije u našem gradu. U prilogu studije dodati i informaciju o drvnim potencijalima kantona, posebice informaciju za općine i gradove sa značajnim drvnim resursima, a koji nemaju razvijenu drvenu industriju.

Po dovršetku studije imali bismo cjelovit uvid u dugoročno predviđanje u oblasti drveno-prerađivačke industrije.

Za realizaciju inicijative su neophodna značajna finansijska sredstva.

Predlažem da se inicijativa uobliči u formu elaborata i po njenoj dovršnoj pripremi uputi na osnivača nekadašnjeg preduzeća IP Krivaja.

Predmet: Vijećnička inicijativa (3)

Uvođenje obaveznog testiranja na konzumaciju alkohola za učesnike sjednica Gradskog vijeća

Obrazloženje:

Inicijativu o obaveznom alkotestiranju podnosim iz nekoliko razloga, a njenom implementacijom bismo spriječili neprijatne situacije u radu vijeća koje su vrlo izvjesno potencirane uživanjem alkohola. Kao što ste upoznati, gradsko vijeće je u nekoliko navrata svjedočilo izgređničkom ponašanju pojedinih vijećnika čije nedolično ponašanje iziskuje ovakvu vrstu mjera radi prevencije sličnih događaja. Implementacija alkotestiranja je tehnički nezahtjevna i provodila bi se neposredno pred održavanja sjednice vijeća u nekom od prostora koji su u terminu održavanje sjednice slobodni uz prisustvo recepcionera ili saradnika Stručne službe Gradskog vijeća.

Za implementaciju ove inicijative su nepohodna sredstva do najviše 5000 (slovima: pet hiljada KM) uz pretpostavljenu kupovinu pouzdanijeg alkometra iz serije elektrohemijskih uređaja.

Ukoliko inicijativa dobije podršku predlažem nadležnoj službi grada da inicijativu stručno obradi, upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

Predmet: Vijećnička inicijativa (4)

Inicijativa o obaveznom poštivanju Kodeksa odijevanja u gradskom vijeću

Obrazloženje:

Kao što znate, kodeks odijevanja u javnim ustanovama je zakonom definisana kategorija za zaposlene osobe, ali za predstavnike lokalnih vlasti nije posve obavezujućeg karaktera, te na ovakav način želim skrenuti pažnju na potrebu njene ponovne interpretacije. Naime, jedan dio vijećnika gradskog vijeća ne poštuje ovu obavezu i trebalo bi je neodložno afirmisati i u najskorijem roku implementirati u praksi.

Protokol bi imao obavezujući karakter za vijećnike i gradonačelnika i predviđao bi dolazak na sjednice u odjeći i obući kompatibilnoj sa obnašanjem vlasti ovog nivoa. Sadržaj Kodeksa može se uskladiti sa Kodeksom odijevanja za državne uposlenike.

Realizacija inicijative ne iziskuje materijalna sredstva.

Predmet: Vijećnička inicijativa (5)

Inicijativa za uspostavu policijske ophodnje na biciklima

Obrazloženje:

Cijeneći da je rad policijskih službenika u našem gradu opterećen sa mnogo teškoća materijalne i tehničke naravi predložio bih da se na nivou vijeća ili višem nivou vlasti razmotri mogućnost uspostave policijskog tima koji bi svoju terensku obavezu izvršavao uz korištenje bicikala kao prevoznog sredstva. Realizacija inicijative iziskuje značajna materijalna sredstva radi nabavke neophodne i specifikirane opreme, specijalnih bicikala na pedalni ili električni pogon, specijalnih uniformi i policijskih oznaka, te obuke za policijski tim koji bi obavljao ovu vrstu profesionalne zadaće. Razumije se da bi se ovakva vrsta policijske ophodnje provodila samo u periodu povoljnih vremenskih prilika, vjerovatno od mjeseca marta do novembra i da bi značajno doprinijela dobroj urbanoj mobilnosti nadležne policije, osobito u slučaju kupovine električnih bicikala, dugoročno mjereno bi stvorila određenu vrstu novčanih ušteda, smanjila zagađenja u javnom prostoru, doprinijela većem povjerenju građanstva prema policijskom radu i snažnijem osjećaju sigurnosti.

Ukoliko ovakva inicijativa izlazi van okvira nadležnosti lokalne zajednice molim da se ista proslijedi nadležnom nivou kantonalne vlasti radi očitovanja o njenoj funkcionalnoj izvedivosti u našem ili nekom od gradova kantona koji raspolaže sredstvima za realizaciju iste ili slične inicijative.

Predmet: Vijećnička inicijativa (6)

Inicijativa za pošumljavanje područja gradske deponije

Obrazloženje:

U skladu s modernim trendovima u očuvanju životne sredine predložio bih vijeću potrebu o pošumljavanju Gradske deponije Ekonomija. Imajući u vidu prije svega potrebu da zaštitimo životnu sredinu pošumljavanjem ograničene površine nekadašnjeg dolagališta otpada zatvorili bismo ciklus zbrinjavanja otpada na području našeg grada. Realizacijom ovog projekta ostvarili bi se značajni benefiti sa povoljnom refleksijom na životnu okolinu, unaprijedili bismo biodiverzitet navedenog područja, unaprijedili geološku strukturu tla, osigurali vjetrozaštitni pojas, spriječili moguću i potencijalnu eroziju tla, osnažili svijest o značaju ekološke čistoće i druge ekološke koristi. U toku pripreme projekta bilo bi neophodno uspostaviti kontakt sa preduzećima koje raspolažu resursima za navedenu vrstu poslova i imaju potrebno iskustvo na planu pošumljavanja.

Realizacija inicijative iziskuje novčana sredstva, ali se u koordinaciji sa Šumsko-privrednim društvom ili JKP Radnik projekat može realizovati sa minimalnim ulaganjem.

Ukoliko inicijativa dobije podršku predlažem nadležnoj službi grada da inicijativu stručno obradi, upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

Predmet: Vijećnička inicijativa (7)

Inicijativa za obilježavanje mjesta pogibije boraca iz Odbrambeno-oslobodilačkog rata

Obrazloženje:

Radi očuvanja monumentalnog sjećanja na poginule vojnike ARBiH u našem gradu predlažem da se u nekom od predstojećih budžeta grada izdvoje sredstva za izradu i postavljanje spomenika ili tzv. kenotafa na mjestima pogibije vojnika iz devedesetih godina. Spomenici mogu biti izrađeni od bilo koje vrste postojanog materijala, kamena, betona ili sličnog materijala sa naznačenim osnovnim podacima i godini pogibije, a postavljali bi se po mogućnosti na mjestima pogibije ili u slučaju pogibije na miniranim područjima postavljali bi se u neposrednoj blizini mjesta pogibije. U slučajevima da su određena područja mjesta

pogibije većeg broja vojnika mogla bi se predvidjeti izrada zajedničkog spomenika, ali u veličini koja omogućuje da su osobni podaci dobro vidljivi.

Realizacija inicijative iziskuje značajna materijalna sredstva, a konačan iznos se može formulisati samo u koordinaciji sa preduzećima koja se bave navedenom djelatnošću izrade spomeničkih obilježja.

Ukoliko inicijativa dobije podršku predlažem nadležnoj službi grada da inicijativu stručno obradi, upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

Predmet: Vijećnička inicijativa (8)

Inicijativa za osnivanje Kluba liječenih ovisnika o kocki

Obrazloženje:

Slijedom negativnih društvenih trendova u Bosni i Hercegovini i pojave teških oblika ovisnosti u našem gradu predložio bih gradskom vijeću da razmotri mogućnost osnivanja Kluba liječenih ovisnika o kocki koji bi pružao usluge ambulantnog liječenja i podrške ovisnicima u apstinencijalnom periodu liječenja.

Ambulante ovog tipa egzistiraju na nivou pojedinih gradova već izvjesno vrijeme i pružaju značajan doprinos u liječenju i izlječenju ovisnosti o kocki, a njihovo zasnivanje je u izravnoj koordinaciji sa centrima i zavodima za liječenje ovisnosti.

Zasnivanje ambulante bi se planiralo u dogovoru sa JU DZ Zavidovići kao ovlaštenoj ustanovi za oblast liječenja i provođenja zdravstvene zaštite u našem gradu i pretpostavilo bi mogućnost rada ambulante u nekom od dislociranih prostora izvan doma zdravlja ili adekvatnom prostoru iz vlasništva Grada Zavidovići.

Osnovni koncept ambulante bi podrazumijevao adekvatno i stručno pruženu uslugu liječenja, vođenje medijskih kampanja za borbu protiv ovisnosti, uspostavu kontakata sa osobama koje su ovisne o kockanju, njihovu evidenciju, uspostavu Registra ovisnih osoba, prijedlog za nastavkom liječenja u nekom od specijaliziranih centara itd.

Kao poseban prilog navedenoj inicijativi saopštavamo sljedeće podatke: ovisnost o kocki u našem gradu ima epidemijske razmjere, po procjeni polovina stanovnika u zajednici u nekom trenutku svog života ima iskustvo sa kockom; otprilike polovina adolescenata podliježe iskustvu kockanja, značajan udio među ovisničkom populacijom čine žene, najveću zastupljenost među ovisnicima čine radno sposobne osobe, nepovoljni socijalni utjecaji kockanja na život pojedinaca i porodice su evidentni i prezentuju se najčešće poremećajima u porodičnom životu, braku, poslu, doprinose nepovoljnoj brakorazvodnoj statistici, kriminogenom ponašanju itd.

S poštovanjem

Predmet: Vijećničko pitanje (1)

U skladu sa s vijećničkim pravima i ovlaštenjima definisanim Poslovníkom Gradskog vijeća, postaviti ću više pitanja iz nadležnosti grada:

Tražim informaciju o održivom povratku na području Grada Zavidovići uz informaciju o stanju zaposlenosti povratničke populacije i stanju putne i komunalne infrastrukture u povratničkim naseljima.

Predmet: Vijećničko pitanje (2)

Policijskoj upravi Zavidovići bih uputio molbu da organizuje i redovno provodi policijske ophodnje kroz gradske ulice osobito u večernjim terminima.

Predmet: Vijećničko pitanje (3)

JU Dom zdravlja upućujem pitanja obimnijeg sadržaja:

Kao prvo, izričito tražim informaciju o tome ko su dva uposlenika sa najvećim stimulacijama isplaćenim za period u kojem je rađena Revizija izvještaja o poslovanju ustanove i koji

uposlenici na posao ne dolaze na vrijeme i da li ima uposlenika koji u jednom mjesecu na posao kasne više od tri puta?

Zašto je došlo do toga da 5 vrsnih tehničara u kratkom vremenskom roku da otkaz? Je li razlog nezdrav ambijent i stalni presing koji se vrši na pojedine radnike? A niko od njih nije otišao u inozemstvo i imao neku drugu ponudu, kako je već to uobičajeno.

Šta se dešava sa uposlenicima i njihovim zdravljem? Prisutno je klasično izgaranje uposlenika zbog prevelike količine nametnutih obaveza, posebno tehničara na porodičnoj službi, ali i ljekara. Ima li ikakve odgovornosti ustanove? U prilog tome idu činjenice da su naglo oboljeli pojedini doktori, a 5 tehničara je dalo otkaz. Najkvalitetnije osoblje se lomi ubrzano.

Šta je sa dežurim pedijatra subotom? Zbog čega su oslobođeni? Je li zbog rada u privatnim ustanovama ili nečega drugog? Koliko kvalitetnu uslugu može pružiti doktor opšte prakse djetetu u ambijentu kad se za 4,5 sata pregleda 30 bolesnika raznih kazusa?

Tražim i obrazloženje zašto se odstupa od standarda porodične medicine destrukcijom timova stalnim mijenjanjem sestara, uputama sestrama da se prima sve što dođe i ne ostavljanje prostora ljekarima za kvalitetan rad, naročito za prevenciju, koja je temelj porodične medicine. Zašto se povlađuje šefu vozača da ne izlazi na teren u slučaju prijekne potrebe. U tim slučajevima on zove pripravnog vozača čime se gubi na vremenu da bi se spasio nečiji život.

Zašto se oko 4000 kartona radnika koji ne pripadaju nikome ne distribuira ravnomjerno i po fer osnovi, već se po dolasku pacijenata dodatno i vanredno ubacuju nekom od ljekara na pregled. Ti pacijenti su uskraćeni za svoje zakonsko pravo da imaju svoga izabranoga porodičnog ljekara.

Novi Pravilnik o radu koji je donešen ishitreno i koji nije u skladu sa Zakonom o radu i kolektivnom ugovoru, a gdje su proširene ovlasti rukovodioca do te mjere da za jednu nepotrebnu riječ, koja može biti i utemeljena, može se dobiti otkaz o radu.

Po kojem zakonskom aktu je vršeno bodovanje i određivani koeficijenti složenosti za određena radna mjesta? Sramotno je da pravnik i ekonomista DZ ima koeficijent 5,2 sa stručnom spremom od 280 ECTS bodova, a da ljekar ima koeficijent 4,5 sa stručnom spremom od 360 ECTS bodova. Ukoliko su ti ljudi pomoćnici direktora, zna se kako se oni stimulišu, putem položajnog dodatka, a ne koeficijentom koji je jedinstven za radnike u zdravstvu koji se finansiraju novcem iz ZZO. Tako pravnik ili ekonomista ima već platu od ljekara za oko 500-700 KM.

Nesrazmjer i diskriminacija koja se provodi prema ljekarima porodične medicine na način da određeni specijalisti ne mogu prema standardima i normativima u zdravstvu zaraditi ni osnovnu plaću, dok su ljekari u porodičnoj medicini prezatrpni pacijentima. Primjer, specijalista dermatolog svoju specijalističku platu bi trebao da zarađuje na 80 000 stanovnika ili osiguranika, jer toliko ga zavod plaća. U našem slučaju mogao bi da radi 2 dana kao specijalista dermatolog, a ostale sate (3dana) bi trebao da dozaradi na službi porodične ili opšte medicine, kao što je to i u ostalim domovima zdravlja. Međutim, oni su pored toga čak i oslobođeni rada subotom ili pripravnosti i svih dodatnih obaveza koje se tovare na pleća izmučenim ljekarima porodične medicine. Osim dermatologa standardi propisuju stroge norme za sve sepcijaliste. Zašto se ostali specijalisti koji ne ispunjavaju norme ne angažuju u porodičnoj medicini, već im se daju dodatni poslovi u okviru standardnog radnog vremena?

Zašto pojedini tehničari idu stalno u pratnju dok se pojedini štede i nikad se ne šalju? Je li to zbog nepovjerenja u njihovu stručnosti ili imaju neki drugi vid protekcije?

Po kojoj pravnoj činjenici su neki ljekari obavezni raditi subotom, a drugi to nisu? Također, oni koji ne rade subotom u tzv. preraspodjeli radnog vremena, mogu raditi dežure u hitnoj koje se plaćaju. Klasična diskriminacija na djelu.

Kakvi su to honorari koje pojedini ljekari dodatno već godinama zarađuju u okviru osnovnog radnog vremena? Po kojem pravilu i kojoj zakonskoj regulativi se njima to dodjeljuje? Da bude jasnije, pojedini ljekari za trajanja osmosatnog radnog vremena dobijaju i honorar koji im je ukomponovan u redovno radno vrijeme. Zakonito bi jedino bilo da se honorarna zarada ostvaruje po završenom osmosatnom poslu, odnosno tek iza 15 sati.

Šemsudin Skejić

Predmet: Vijećničko pitanje (1)

Na osnovu člana 8. i 87. Poslovnika o radu Gradskog vijeća postavljam vijećničko pitanje Kada će biti pripremljen i na dnevni red upućen Prijedlog Odluke o uređenju građevinskog zemljišta za 2024. godinu?

Osnov razmatranja i donošenja je

-Zakon o prostornom uređenju i građenju Zeničko-dobojskog kantona, poglavlje VII uređenje građevinskog zemljišta u urbanim područjima, članovi br. 55, 56, 57, 58, 59, 60 i 61.

-Zakon o građevinskom zemljištu Federacije BiH članovi br. 63. do 66. i 70. do 72. (63, 64, 65, 66, 70, 71, 72).

-Program rada Gradskog vijeća kojim je predviđena tačka dnevnog reda i Odluka o uređenju građevinskog zemljišta za 2024. godinu.

Predmet: Vijećničko pitanje (2)

Na osnovu člana 8. i člana 87. Poslovnika o radu Gradskog vijeća postavljam vijećničko pitanje vezano za protivpravno raspolaganje gradskim građevinskim zemljištem radi građenja, kao i građenje bez prava korištenja zemljišta na gradskom građevinskom zemljištu.

Pitanje:

Kada i kako će Gradska uprava riješiti problem protivpravnog korištenja građevinskog zemljišta u vlasništvu Grada koje je označeno sa: k.č. 1254/2, 1258/4, 1258/3, 1254/3- dio, 1263/4-dio, 1261/1-dio, 1263/1-dio, 1261, 1257/1, 1257/3 i sve k.o. Zavidovići lokalitet Đ. Gaj.

Odgovor sačiniti između ostalog i na osnovu odredbi Zakona o Građevinskom zemljištu Federacije BiH (Sl.novine FBiH br. 25/2003, 16/2004, 67/2005, 94/2018) i to član 61 (VIII- Građenje bez prava korištenja zemljišta radi građenja na gradskom građevinskom zemljištu) i član 59. (VII- Protivpravno raspolaganje Gradskim građevinskim zemljištem).

Predmet: Vijećničko pitanje (3)

Postavljam vijećničko pitanje vezano za određivanje iznosa naknade za uređenje gradskog građevinskog zemljišta za gradnju objekta na parcelama i to:

-parcela k.č. 1259/1

-parcela k.č. 1263/7 i

-parcela k.č. 1262/2

sve na K.O. Zavidovići, lokalitet Đurića Gaj.

Po kojoj metodologiji je određen iznos naknada za uređenje građevinskog zemljišta? Molim da odgovor bude sačinjen na osnovu člana 62., člana 63., člana 64., člana 65., člana 66., a posebno člana 70., člana 71. i člana 72 Zakona o građevinskom zemljištu Federacije BiH („Službene novine F BiH“ broj: 25/2003, 16/2004, 67/2005 i 94/2018).

Postoji bojazan da bi na kraju troškovi uređenja mogli biti mnogo veći od iznosa naknada za njegovo uređenje.

Zbog toga molim da odgovor bude sačinjen i u skladu sa poglavljem VII. uređenje zemljišta u urbanim područjima Zakona o prostornom uređenju i građenju Zeničko – dobojskog kantona, preciznije članovima 55., 56., 57., 58., 59., 60. i 61.

Šimšić Igor

Predmet: Vijećnička inicijativa

Inicijativa za donošenjem Odluke o izradi Strategije razvoja sporta na području Grada Zavidovići (i u konačnici hitne realizacije), dostavlja se Poštovani,

na osnovu člana 109. Poslovnika o radu Gradskog vijeća Zavidovići, Klub vijećnika Socijaldemokratske partije BiH u Gradskom vijeću Zavidovići podnosi Inicijativu za donošenjem Odluke o izradi Strategije razvoja sporta na području Grada Zavidovići (i u konačnici hitne realizacije) u daljem tekstu: Strategija.

U skladu sa stavom 4. pomenutog člana ovu Inicijativu dostavljamo u pisanoj formi sa Obrazloženjem kako slijedi:

Strategija razvoja sporta na području Grada Zavidovići treba sa bude dokument koji daje strateške smjernice i plan djelovanja na razvoju sporta u našem Gradu za period 2024- 2029. godina, u cilju prosperitetnog razvoja sporta, sportskih aktivnosti i sportske infrastrukture u Gradu Zavidovići u skladu sa strateškim dokumentima viših nivoa vlasti, Bijelom knjigom za sport u Evropskoj uniji i drugim dokumentima koji uređuju oblast sporta.

Ona treba da bude sastavni dio Strategije integriranog razvoja Grada Zavidovići za period 2017.-2026. godina i njenog revidiranja. Nažalost, i pored početnih aktivnosti i pokušaja za izradu ovog veoma bitnog dokumenta, u proteklom periodu ništa se nije uradilo po ovom pitanju. A potrebe i trenutno stanje, našeg zavidovičkog sporta su takve da zahtjevaju hitnu intervenciju i djelovanje. Prije svega za opstojnošću, a potom i za unapređenje i razvoj u svim oblicima.

Vrijeme je, a i veliki je, svakodnevno vidljiv pritisak javnosti i građana za rješavanjem problematike iz oblasti sporta. Strategija mora da omogući svim sportskim subjektima našeg grada da usvoje nove pristupe i metode u organizaciji i finansiranju svojih aktivnosti. Učešće u izradi Strategije trebaju da uzmu svi relevantni subjekti, kolektiviteti i pojedinci kako bi se napravio kvalitetan dokument sa jasnom vizijom, definisanim ciljevima, osnovnim programima i konkretnim aktivnostima.

Pojednostavljeno, da konačno postavimo prioritete i jasno kažemo šta želimo sa našim sportom. Želimo li definisati koji su to sportovi koji karakterišu našu sredinu i postaviti prioritete, želimo li prvake u kolektivnim sportovima, želimo li vrhunske individualce ili ćemo samo da se okupljamo, igramo i tako godinama bez jasnog cilja, želimo li uspješne modele finansiranja, želimo li izgraditi, rekonstruisati sportske objekte, učiniti ih funkcionalnim i reprezentativnim, želimo li omasoviti sport ili ćemo i dalje „prositi i kukati“ javno ili kućarski, stvarati antagonizme jedni između drugih, oslanjati se na privrženost i dobre veze i blizinu sa vodećim, vladajućim ili kakvim već „autoritetima“ svake godine tavoriti, pravdati se jedni drugima za neuspjehe.

Konkretni primjeri su nam vidljivi svakodnevno: Pune dvorane na rukometnim utakmicama, utakmice su praznik, ali svake godine isti problem, igramo da se igra, besciljno, igrački i stručni kadrovi uslovljeni nedosatkom novca, realno imamo najmanje budžete klubova, najjeftinije ekipe, ozbiljna priča se ne pravi bez para. A očekivanja su uvijek velika.

Mišljenja smo da moramo hitno početi mijenjati naše sportske višegodišnje navike i krenuti novim drugačijim pristupom. Stoga, ovaj dokument se pojavljuje kao polazište i prioritet na tom putu. Da ga konačno napravimo.

Očekujemo jedinstvo svih subjekata od Gradonačelnika, najbližih saradnika do vijećnika, jednoglasno prihvatanje ove inicijative, ali ne samo i to, nego i aktivno sudjelovanje u svim fazama, a posebno u realizaciji i kontroli implementacije u konačnici.

Sredstva za realizaciju ove Inicijative, obezbijediti iz Transfera Budžeta Grada Zavidovići za 2024. godinu (Pr: 613915- Ostale stručne usluge, 6139745- Izdaci za rad ostal.stručnih komis., za nakn. Po ugovor. i za rad savjeta Gradonačelnika, 614122- Tekući transfer za fizičku kulturu i sport).

Za realizaciju ove Inicijative zadužuje se Gradonačelnik sa nadležnim gradskim službama.
S poštovanjem.

Predmet: Vijećničko pitanje

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu zahtjeva predstavnika MZ Maoča i građana sa predmetom sanacije mosta preko rijeke Krivaje na području ove MZ?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljanjem jasnih, tačnih i konkretnih odgovora koji će nas gradske vijećnike i građane naše lokalne zajednice informisati o aktivnostima koje se poduzimaju po zahtjevu.

Preciznije, radi se o mostu koji spaja naselja Ivanovići, Dištica, Borikovići. Predstavnici Savjeta MZ Maoča su uputili i adresirali na Gradonačelnika Zahtjev za hitnim postupanjem sanacije i rekonstrukcije. Stanje, izgled i funkcionalnost mosta je katastrofalno i prijeti bezbjednosti učesnika u saobraćaju, koji nemaju alternativu i koji su prinuđeni svakodnevno ga koristiti na rizik i vlastitu odgovornost.

Konkretna podpitanja: Da li se poduzimaju bilo kakve aktivnosti na realizaciji zahtjeva ili ne, ako da u kojoj fazi aktivnosti, ako ne zašto i koji su razlozi za nedjelovanjem, da li postoje eventualni problemi ili prepreke?

Pitanje se upućuje Gradonačelniku i nadležnoj/nadležnim gradskim službama.

Odgovor na pitanje pored usmenog, dostaviti i u pisanoj formi.

S poštovanjem.

Šemso Fehrić

Predmet: Vijećnička inicijativa

U skladu sa članom 8. i članom 87. Poslovnika o radu Gradskog vijeća Zavidovići pokrećem Inicijativu: Da se putem Federalnog ministarstva prometa i komunikacija pokrenu aktivnosti na nivelaciji kanalizacioni šahtova na magistralnom putu M 17.1 „Žepče-Zavidovići-Banovići-Živinice“ i to na dionici od mosta na rijeci Gostović, pa do mosta na rijeci Bosni na ulazu u Grad Zavidovići.

Nisu potrebna sredstva za realizaciju ove inicijative.

Predmet: Vijećničko pitanje

Obzirom da imamo ograničene mogućnosti proširenja parcela gradskih grobalja „Flos“ i Žigića greblje“, pitam: Da li gradska administracija trenutno radi na pronalasku nove lokacije za gradsko groblje i u kojoj fazi su te aktivnosti?

Usmeni odgovori na vijećnička pitanja postavljena na 22. sjednici Gradskog vijeća Zavidovići 28.02.2024. godine

Gradonačelnik - Hašim Mujanović

Ja sam ovdje pribilježio samo dva pitanja koja su otprilike zahtjevala ili mogu se dati odmah usmeni odgovori. To je prije svega pitanje Šimšić Igora most Maoča. Mi smo prošle godine uradili projektno rješenje, projekat dakle je urađen, trenutno se radi revizija projekta izgradnje navedenog mosta, nakon toga slijedi izdavanje potrebne saglasnosti agencija i izrada urbanističke i građevinske dozvole, nakon toga može ići izgradnja.

Što se tiče pitanja Šemse Fehrića pitanje mjesnih grobalja vi već imate, dakle neke stvari ste već dobili i kroz dnevni red i Prijedlog odluke o mjesnim grobljima i mezarima. Kada je u pitanju mjesno groblje Žigića groblje i Flos, mi smo već ranije kupovali zemljište i prema procjenama sad imamo kapaciteta za narednih pet godina, s tim što ćemo mi kroz ovu odluku staviti nekom drugom u nadležnost da se brine i da time upravlja. Tako da za sad nemamo potrebe za kupovinom, ali imamo u okviru prostornog plana lokalitet za izgradnju mješovitog gradskog groblja, mezarja i to je planirano na Ekonomiji. Naravno, to je samo plan, a taj plan zahtjeva i značajna finansijska sredstva jer treba otkupiti kompletnu zemlju, mislim da se radi o blizu nekih 100 dunuma.

Admir Fojnica

Zahvaljujem. Kolege Šimšić i Fehrić jeste li zadovoljni odgovorom ili želite pismeni odgovor?

Igor Šimšić

Ok. Zadovoljan.

Šemso Fehrić

I ja sam zadovoljan.

Admir Fojnica

Zahvaljujem. Prelazimo na odgovore na vijećnička pitanja postavljena na **20. sjednici Gradskog vijeća Zavidovići, održane dana 28.12.2023.godine**. Da li ste zadovoljni ili imate dopunsko pitanje, gospodin Igor Šimšić?

Igor Šimšić

Zadovoljan.

Admir Fojnica

Gospodin Šemso Fehrić?

Šemso Fehrić

Zadovoljan.

Admir Fojnica

Zahvaljujem. Prelazimo na odgovore na vijećnička pitanja postavljena na **21. sjednici Gradskog vijeća Zavidovići, održane dana 31.01.2024.godine**. Da li ste zadovoljni ili imate dopunsko pitanje, gospodin Haris Hodžić dva pitanja?

Haris Hodžić

Nisam zadovoljan. Nemam dopunsko.

Admir Fojnica

Gospodin Huskić Hasib?

Hasib Huskić


Zadovoljan.

Admir Fojnica

Zahvaljujem.

ZAPISNIK SAČINILA

Armina Bajrić, dipl. pravnik



OVJERAVA SEKRETAR
GRADSKOG VIJEĆA
Samira Pinjić, dipl. pravnik



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Br: 018-2-GV/24

Datum: 27.02.2024.godine

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. Gdin. Admir Fojnica, predsjedavajući GV-a

Predmet: Inicijativa za donošenjem Odluke o izradi Strategije razvoja sporta na području Grada Zavidovići (i u konačnici hitne realizacije), dostavlja se

Poštovani,

na osnovu člana 109. Poslovnika o radu Gradskog vijeća Zavidovići, Klub vijećnika Socijaldemokratske partije BiH u Gradskom vijeću Zavidovići podnosi **INICIJATIVU** za donošenjem Odluke o izradi Strategije razvoja sporta na području Grada Zavidovići (i u konačnici hitne realizacije), u daljem tekstu: Strategija.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Strategija razvoja sporta na području Grada Zavidovići treba da bude dokument koji daje strateške smjernice i plan djelovanja na razvoju sporta u našem Gradu za period 2024 – 2029. godina, u cilju prosperitetnog razvoja sporta, sportskih aktivnosti i sportske infrastrukture u Gradu Zavidovići u skladu sa strateškim dokumentima viših nivoa vlasti, Bijelom knjigom za sport u Evropskoj uniji i drugim dokumentima koji uređuju oblast sporta.

Ona treba da bude sastavni dio Strategije integriranog razvoja Grada Zavidovići za period 2017-2026.godina i njenog revidiranja. Na žalost, i pored početnih aktivnosti i pokušaja za izradu ovog veoma bitnog dokumenta, u proteklom periodu ništa se nije uradilo po ovom pitanju. A potrebe i trenutno stanje, našeg zavidovičkog sporta su takve da zahtjevaju hitnu intervenciju i djelovanje. Prije svega za opstojnošću, a potom i za unapređenje i razvoj u svim oblicima.

Vrijeme je, a i veliki je, svakodnevno vidljiv pritisak javnosti i građana za rješavanjem problematike iz oblasti sporta. Strategija mora da omogući svim sportskim subjektima našeg grada da usvoje nove pristupe i metode u organizaciji i finansiranju svojih aktivnosti. Učešće u izradi Strategije trebaju da uzmu svi relevantni subjekti, kolektiviteti i pojedinci kako bi se napravio kvalitetan dokument sa jasnom vizijom, definisanim ciljevima, osnovnim programima i konkretnim aktivnostima.

Pojednostavljeno, da konačno postavimo prioritete i jasno kažemo šta želimo sa našim sportom. Želimo li definisati koji su to sportovi koji karakterišu našu sredinu i postaviti prioritete, želimo li prvake u kolektivnim sportovima, želimo li vrhunske individualce, ili ćemo samo da se okupljamo, igramo, i tako godinama bez jasnog cilja, želimo li uspješne modele finansiranja, želimo li izgraditi, rekonstruisati sportske objekte, učiniti ih funkcionalnim i reprezentativnim, želimo li omasoviti sport, ili ćemo i dalje „prostiti i kukati“ javno ili kuolarski,

Gradska organizacija SDP BiH Zavidovići **Градска организација СДП БиХ Завидовићи**

Sekretarijat: **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzidici@bih.net.ba

www.sdp.ba
facebook.com/sdpbih
facebook.com/sdpbihzavidovici

stvarati antagonizme jedni između drugih, oslanjati se na privrženosti i dobre veze i blizinu sa vodećim, vladajućim ili kakvim već „autoritetima“, svake godine favoriti, pravdati se jedni drugima za neuspjehe, ...

Konkretni primjeri su nam vidljivi svakodnevno: Pune dvorane na rukometnim utakmicama, utakmice su praznik, ali svake godine isti problem, igramo da se igra, besciljno, igrački i stručni kadrovi uslovljeni nedostatkom novca, realno imamo najmanje budžete klubova, najjeftinije ekipe, ozbiljna priča se ne pravi bez para. A očekivanja su uvijek velika.

Mišljenja smo da moramo hitno početi mijenjati naše sportske višegodišnje navike i krenuti novim drugačijim pristupom. Stoga, ovaj dokument se pojavljuje kao polazište i prioritet na tom putu. Da ga konačno napravimo.

Očekujemo jedinstvo svih subjekata od Gradonačelnika, najbližih saradnika do vijećnika, jednoglasno prihvatanje ove Inicijative, ali ne samo i to, nego i aktivno sudjelovanje u svim fazama, a posebno u realizaciji i kontroli implementacije u konačnici.


Sredstva za realizaciju ove Inicijative, obezbijediti iz Transfera Budžeta Grada Zavidovići za 2024.godinu (Pr: 613915 – Ostale stručne usluge, 6139745 - Izdaci za rad ostal. stručnih komis., za nakn. po ugovor. i za rad savjeta Gradonačelnika, 614122-Tekući transfer za fizičku kulturu i sport).

Za realizaciju ove Inicijative zadužuje se Gradonačelnik sa nadležnim gradskim službama.

S poštovanjem,



za Klub vijećnika SDP BiH u GV Zavidovići



Igor Šimšić, vijećnik SDP BiH

Gradska organizacija SDP BiH Zavidovići **Градска организација СДП БиХ Завидовићи**

Sekretarijat: **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

Datum: 28.02.2024.godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gdin. Admir Fojnica, predsjedavajući**

Predmet: VIJEĆNIČKO PITANJE, dostavlja se

Na osnovu članova 8. i 87. Poslovnika o radu Gradskog vijeća Zavidovići, kao vijećnik Gradskog vijeća Zavidovići postavljam vijećničko pitanje koje se tiče potrebe informisanja o statusu zahtjeva predstavnika MZ Maoča i građana sa predmetom sanacije mosta preko rijeke Krivaje na području ove MZ?

Obrazloženje vijećničkog pitanja:

Na zahtjev građana nadležnim organima Gradske uprave postavljam vijećničko pitanje, uz zahtjev za dostavljanjem jasnih, tačnih i konkretnih odgovora koji će nas gradske vijećnike i građane naše lokalne zajednice informisati o aktivnostima koje se poduzimaju po zahtjevu.

Preciznije, radi se o mostu koji spaja naselja Ivanovići, Dištica, Borikovići. Predstavnici Savjeta MZ Maoča su uputili i adresirali na Gradonačelnika Zahtjev za hitnim postupanjem sanacije i rekonstrukcije. Stanje, izgled i funkcionalnost mosta je katastrofalno i prijeti bezbjednosti učesnika u saobraćaju, koji nemaju alternativu i koji su prinuđeni svakodnevno ga koristiti na rizik i vlastitu odgovornost.

Konkretna podpitanja: Da li se poduzimaju bilo kakve aktivnosti na realizaciji zahtjeva, ili ne, ako da u kojoj su fazi aktivnosti, ako ne zašto i koji su razlozi za nedjelovanjem, da li postoje eventualni problemi ili prepreke?

Pitanje se upućuje Gradonačelniku i nadležnoj/nadležnim gradskim službama.

Odgovor na pitanje pored usmenog, dostaviti i u pisanoj formi.

S poštovanjem,



Vijećnik SDP BiH

Igor Šimšić

Gradska organizacija SDP BiH Zavidovići Градска организација СДП БиХ Завидовићи

Sekretarijat: **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

Šemsudin Skejić
Gradski vijećnik
28.02.2024 godine

*PREDMET: Vijećničko pitanje 1.
Na osnovu člana 8 i 87 Poslovnika o radu Gradskog vijeća postavljam
vijećničko pitanje*

*Kada će biti pripremljen i na dnevni red upućen Prijedlog odluke o uređenju
građevinskog zemljišta za 2024 godinu?*

Osnov razmatranja i donošenja je

*-Zakon o prostornom uređenju i građenju zeničko-dobojskog kantona, poglavlje
VII uređenje građevinskog zemljišta u urbanim područjima, članovi
br.55,56,57,58,59,60 i 61.*

*-Zakon o građevinskom zemljištu Federacije BiH članovi br. 63 do 66 i 70 do 72
(63,64,65,66,70,71,72).*

*-Program rada Gradskog vijeća kojim je predviđena tačka dnevnog reda i
Odluka o uređenju građevinskog zemljišta za 2024 godinu.*



Šemsudin Skejić
Gradski vijećnik
28.02.2024 godine

PREDMET: Vijećničko pitanje 2.

Na osnovu člana 8 i člana 87 Poslovnika o radu Gradskog vijeća postavljam vijećničko pitanje vezano za PROTIVPRAVNO RASPOLAGANJE GRADSKIM GRAĐEVINSKIM ZEMLJIŠTEM radi građenja, kao i GRAĐENJE BEZ PRAVA KORIŠTENJA ZEMLJIŠTA NA GRADSKOM GRAĐEVINSKOM ZEMLJIŠTU.

PITANJE:

*Kada i kako će Gradska uprava riješiti problem protivpravnog korištenja građevinskog zemljišta u vlasništvu Grada koje je označeno sa:
k.č.1254/2, 1258/4,1258/3,1254/3-dio,1263/4-dio,1261/1-dio,1263/1-dio,1261,1257/1,1257/3 i sve k.o.Zavidovići lokalitet Đ.Gaj.*

Odgovor sačiniti između ostalog i na osnovu odredbi Zakona o Građevinskom zemljištu Federacije BiH(sl Novine FbiH br.25/2003,16/2004,67/2005,94/2018) i to član 61 (VIII-Građenje bez prava korištenja zemljišta radi građenja na gradskom građevinskom zemljištu) i član 59(VII-Protivpravno raspolaganje Gradskim građevinskim zemljištem).



Šemsudin Skejić
Gradski vijećnik
Dana :28.02.2024.godine

PREDMET: Vijećničko pitanje 3.

Postavljam Vijećničko pitanje vezano za određivanje iznosa naknade za uređenje gradskog građevinskog zemljišta za gradnju objekta na parcelama i to:

- parcela k.č. 1259/1,*
 - parcela k.č. 1263/7 i*
 - parcela k.č. 1262/2*
- sve na K.O.Zavidovići, lokalitet Đurića Gaj.*

Po kojoj metodologiji je određen iznos naknada za uređenje građevinskog zemljišta? Molim da odgovor bude sačinjen na osnovu člana 62, člana 63, člana 64, člana 65, člana 66, a posebno člana 70, člana 71 i člana 72, Zakona o građevinskom zemljištu Federacije BiH („Službene novine F BiH“ broj: 25/2003, 16/2004, 67/2005 i 94/2018).

Postoji bojazan da bi na kraju troškovi uređenja mogli biti mnogo veći od iznosa naknada za njegovo uređenje.

Zbog toga molim da odgovor bude sačinjen i u skladu sa poglavljem VII .uređenje zemljišta u urbanim područjima Zakona o prostornom uređenju i građenju Zeničko-dobojskog kantona, preciznije članovima 55, 56, 57, 58, 59, 60 i 61.

Šemsudin Skejić

Gradonačelnik Grada Zavidovići

Gradsko vijeće Grada Zavidovići

Stručna služba Gradskog vijeća

Stručne službe Grada Zavidovića

22. sjednica Gradskog vijeća

28.02. 2024. godine

Vijećnik Skejić Samir

U skladu s vijećničkim pravima i ovlaštenjima definisanim Poslovníkom Gradskog vijeća postavíću više pitanja iz nadležnosti Grada:

1. Tražim informaciju o održivom povratku na području Grada Zavidovići uz informaciju o stanju zaposlenosti povratničke populacije i stanju putne i komunalne infrastrukture u povratničkim naseljima.
2. Policijskoj upravi Zavidovići bih uputio molbu da organizuje i revno provodi policijske ophodnje kroz gradske ulice osobito u večernjim terminima.
3. JU Dom zdravlja upućujem pitanje obimnijeg sadržaja .

Kao prvo, izričito tražim informaciju o tome ko su dva uposlenika sa najvećim stimulacijama isplaćenim za period u kojem je rađena Revizija izvještaja o poslovanju Ustanove i koji uposlenici na posao ne dolaze na vrijeme i da li ima uposlenika koji u jednom mjesecu na posao kasne više od tri puta?

Zašto je došlo do toga da 5 vrsnih tehničara u kratkom vremenskom roku da otkaz? Je li razlog nezdrav ambijent i stalni presing koji se vrši na pojedine radnike? A niko od njih nije otišao u inozemstvo i imao neku drugu ponudu, kako je to već uobičajeno.

Šta se dešava sa uposlenicima i njihovim zdravljem? Prisutno je klasično izgaranje uposlenika zbog prevelike količine nametnutih obaveza, posebno tehničara na porodičnoj službi ali i ljekara. Ima li ikakve odgovornosti ustanove? U prilog tome idu činjenice da su naglo oboljeli pojedini doktori, a 5 tehničara je dalo otkaz. Najkvalitetnije osoblje se lomi i ubrzano .

Šta je sa dežurim pedijatara subotom? Zbog čega su oslobođeni? Je li zbog rada u privatnim ustanovama ili nečega drugog? Koliko kvalitetnu uslugu može pružiti doktor opšte prakse djetetu u ambijentu kad se za 4,5 sata pregleda 30 bolesnika raznih kazusa?

Tražim i obrazloženje zašto se odstupa od standarda porodične medicine destrukcijom timova stalnim mijenjanjem sestara, uputama sestrama da se prima sve što dođe i ne ostavljanje prostora ljekarima za kvalitetan rad, naročito za prevenciju, koja je temelj porodične medicine.

Zašto se povlađuje šefu vozača da ne izlazi na teren u slučaju prijekne potrebe. U tim slučajevima on zove pripravnog vozača čime se gubi na vremenu da bi se spasio nečiji život.

Zašto se oko 4000 kartona radnika koji ne pripadaju nikome ne distribuiraju ravnomjerno i po fer osnovi , već se po dolasku pacijenata dodatno i vanredno ubacuju nekom od ljekara na pregled. Ti pacijenti su uskraćeni za svoje zakonsko pravo da imaju svoga izabranoga porodičnog ljekara.

Novi Pravilnik o radu koji je donešen ishitreno i koji nije u skladu sa Zakonom o radu i kolektivnom ugovoru a gdje su proširene ovlasti rukovodioca do te mjere da za jednu nepotrebnu riječ, koja može biti i utemeljena, može se dobiti otkaz o radu.

Po kojem zakonskom aktu je vršeno bodovanje i određivani koeficijenti složenosti za određena radna mjesta? Sramotno je da pravnik i ekonomista u DZ ima koeficijent 5,2 sa stručnom spremom od 280 ECTS bodova a da ljekar ima koeficijent 4,5 sa stručnom spremom od 360 ECTS bodova. Ukoliko su ti ljudi pomoćnici direktora, zna se kako se oni stimulišu, putem položajnog dodatka a ne koeficijentom koji je jedinstven za radnike u zdravstvu koji se finansiraju novcem iz ZZO. Tako pravnik ili ekonomista ima veću platu od ljekara za oko 500 do 700 KM.

Nesrazmjernost i diskriminacija koja se provodi prema ljekarima porodične medicine na način da određeni specijalisti ne mogu prema standardima i normativima u zdravstvu zaraditi ni osnovnu plaću, dok su ljekari u porodičnoj medicini prezatrpani pacijentima. Primjer, specijalista dermatolog svoju specijalističku platu bi trebao da zarađuje na 80 000 stanovnika ili osiguranika, jer toliko ga Zavod plaća. U našem slučaju mogao bi da radi 2 dana kao specijalista dermatolog, a ostale sate (3 dana) bi trebao da dozarađi na službi porodične ili opšte medicine kao što je to i u ostalim domovima zdravlja. Međutim, oni su pored toga čak i oslobođeni rada subotom ili pripravnosti i svih dodatnih obaveza koje se tovari na pleća izmučenim ljekarima

porodične medicine. Osim dermatologa standardi propisuju stroge norme za sve specijaliste. Zašto se ostali specijalisti koji ne ispunjavaju norme ne angažuju u porodičnoj medicini, već im se daju dodatni honorarni poslovi u okviru standardnog radnog vremena?

Zašto pojedini tehničari idu stalno u pratnju dok se pojedini štede i nikad se ne šalju? Je li to zbog nepovjerenja u njihovu stručnost ili imaju neki drugi vid protekcije?

Po kojoj pravnoj činjenici su neki ljekari obavezni raditi subotom a drugi to nisu? Također, oni koji ne rade subotom u tzv. preraspodjeli radnog vremena, mogu raditi dežure u hitnoj koje se plaćaju. Klasična diskriminacija na djelu.

Kakvi su to honorari koje pojedini ljekari dodatno već godinama zarađuju u okviru osnovnog radnog vremena? Po kojem pravilu i kojoj zakonskoj regulativi se njima to dodjeljuje? Da bude jasnije, pojedini ljekari za trajanja osmosatnog radnog vremena dobijaju i honorar koji im je ukomponovan u redovno radno vrijeme. Zakonito bi jedino bilo da se honorarna zarada ostvaruje po završenom osmosatnom poslu, odnosno tek iza 15 sati.

INICIJATIVE

1. Predmet :

Priprema studije o trenutno dostupnoj radnoj snazi iz oblasti drveno - prerađivačke industrije

Obrazloženje:

Grad Zavidovići približno sto i pedeset godina baštini tradiciju u oblasti drveno-prerađivačke industrije sa stanovitim prekidima u proizvodnji tokom prošlog i dvadesetogodišnjim prekidom u ovom stoljeću. Obzirom da do sad nisu valorizirani izgledi da se pristupi obnavljanju proizvodnje u državnom vlasništvu predlažem da se sačini kratka studija o raspoloživoj radnoj snazi iz ove oblasti kako bismo imali uvid u šanse za revitalizaciju proizvodnje od drveta i drvnih sortimenata.

U pripremi studije koristili bi se relevantni podaci dobijeni od Biroa za nezaposlene osobe, podaci dobijeni posredstvom medija, poziva građanstvu od strane Grada ili podaci dobijeni kroz koordinaciju s mjesnim zajednicama. Po dovršenoj studiji Grad i gradske vlasti bi na raspolaganju imali najvažnije informacije o razvojnim šansama za ovu industrijsku oblast i već prema dostavljenim rezultatima bi se donosili planovi za kapitalna ulaganja u oblasti proizvodnje ili bi se u slučaju nedovoljne radne snage dugoročno odustalo od planova za obnovu proizvodnje.

Za realizaciju inicijative su neophodna određena novčana sredstva koja po slobodnoj procjeni iziskuju značajna sredstva.

Predlažem da se inicijativa uobliči u formu elaborata i po njenoj dovršenoj pripremi uputi na Osnivača nekadašnjeg reduzeća IP Krivaja.

2. Predmet :

Inicijativa za izradu studije o dostupnim drvnim resursima na području Grada Zavidovići

Obrazloženje:

Inicijativa je komplementarna prethodnoj ali je njen sadržaj u pogledu nadležnosti izvan okvira Grada i iziskuje dobru komunikaciju s nadležnim šumsko-privrednim društvima na nivou Kantona.

Konkretno, od nadležnog preduzeća, arhiva Ze- do kantona i drugih statističkih evidencija za potrebe studije treba zatražiti dostupne podatke o raspoloživim drvnim resursima i potencijalu tzv. tehničkog drveta kao osnovnoj predispoziciji u programu obnavljanja drvne industrije u našem gradu. U prilogu studije dodati i informaciju o drvnim potencijalima Kantona, posebice informaciju za općine i gradove sa značajnim drvnim resursima a koji nemaju razvijenu drvnu industriju.

Po dovršetku studije imali bismo cjelovit uvid u dugoročno predviđanje u oblasti drvno-prerađivačke industrije.

Za realizaciju inicijative su neophodna značajna finansijska sredstva.

Predlažem da se inicijativa uobliči u formu elaborata i po njenoj dovršenoj pripremi uputi na Osnivača nekadašnjeg reduzeća IP Krivaja.

3. Predmet :

Uvođenje obaveznog testiranja na konzumaciju alkohola za učesnike sjednica Gradskog vijeća

Obrazloženje:

Inicijativu o obaveznom alko-testiranju podnosim iz nekoliko razloga a njenom implementacijom bismo spriječili neprijatne situacije u radu Vijeća koje su vrlo izvjesno potencirane uživanjem alkohola. Kao što ste upoznati, Gradsko vijeće je u nekoliko navrata svjedočilo izgredničkom ponašanju pojedinih vijećnika čije nedolično ponašanje iziskuje ovakvu vrstu mjera radi prevencije sličnih događaja.

Implementacija alkotestiranja je tehnički nezahtjevna i provodila bi se neposredno pred održavanja sjednice Vijeća u nekom od prostora koji su u terminu održavanja sjednice slobodni uz prisustvo recepcionera ili saradnika stručne službe Gradskog vijeća.

Za implementaciju ove inicijative su neophodna sredstva do najviše 5000 (slovima: pet hiljada KM) uz pretpostavljenu kupovinu pouzdanijeg alkometra iz serije elektrohemijskih uređaja.

Ukoliko inicijativa dobije podršku predlažem nadležnoj službi Grada da Inicijativu stručno obradi , upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

4. Predmet :

Inicijativa o obaveznom poštivanju Kodeksa odijevanja u Gradskom vijeću

Obrazloženje:

Kao što znate, kodeks odijevanja u javnim ustanovama je zakonom definisana kategorija za zaposlene osobe ali za predstavnike lokalnih vlasti nije posve obavezujućeg karaktera te na ovakav način želim skrenuti pažnju na potrebu njene ponovne interpretacije. Naime, jedan dio vijećnika gradskog vijeća ne poštuje ovu obavezu i trebalo bi je neodložno afirmisati i u najskorijem roku implementirati u praksi.

Protokol bi imao obavezujući karakter za vijećnike i gradonačelnika i predviđao bi dolazak na sjednice u odjeći i obući kompatibilnoj sa obnašanjem vlasti ovog nivoa. Sadržaj Kodeksa može se uskladiti sa Kodeksom odijevanja za državne uposlenike.

Realizacija inicijative ne iziskuje materijalna sredstva.

5. Predmet :

Inicijativa za uspostavu policijske ophodnje na biciklima

Obrazloženje:

Cijeneći da je rad policijskih službenika u našem gradu opterećen sa mnogo teškoća materijalne i tehničke naravi predložio bih da se na nivou Vijeća ili višem nivou vlasti razmotri mogućnost uspostave policijskog tima koji bi svoju terensku obavezu izvršavao uz korištenje bicikala kao prevoznog sredstva.

Realizacija inicijative iziskuje značajna materijalna sredstva radi nabavke neophodne i specificirane opreme, specijalnih bicikala na pedalni ili električni pogon, specijalnih uniformi i policijskih oznaka te obuke za policijski tim koji bi obavljao ovu vrstu profesionalne zadaće. Razumije se da bi se ovakva vrsta policijske ophodnje provodila samo u periodu povoljnih vremenskih prilika, vjerovatno od mjeseca marta do novembra i da bi značajno doprinijela dobroj urbanoj mobilnosti nadležne policije, osobito u slučaju kupovine električnih bicikala, dugoročno mjereno bi stvorila određenu vrstu novčanih ušteda, smanjila zagađenja u javnom prostoru, doprinijela većem povjerenju građanstva prema policijskom radu i snažnijem osjećaju sigurnosti.

Ukoliko ovakva inicijativa izlazi izvan okvira nadležnosti lokalne zajednice molim da se ista proslijedi nadležnom nivou kantonalne vlasti radi očitovanja o njenoj funkcionalnoj izvedivosti u našem ili nekom od gradova Kantona koji raspolaže sredstvima za realizaciji iste ili slične inicijative.

6. Predmet : Inicijativa za pošumljavanje područja gradske deponije.

Obrazloženje:

U skladu s modernim trendovima u očuvanju životne sredine predložio bih Vijeću potrebu o pošumljavanju Gradske deponije Ekonomija. Imajući u vidu prije svega potrebu da zaštitimo životnu sredinu pošumljavanjem ograničene površine nekadašnjeg odlagališta otpada zatvorili bismo i ciklus zbrinjavanja otpada na području našeg grada. Realizacijom ovog projekta ostvarili bi se značajni benefiti sa povoljnom refleksijom na životnu okolinu, unaprijedili bismo biodiverzitet navedenog područja, unaprijedili geološku strukturu tla, osigurali vjetrozaštitni pojas, spriječili moguću i potencijalnu eroziju tla, osnažili svijest o značaju ekološke čistoće i druge ekološke koristi. U toku pripreme projekta bilo bi neophodno uspostaviti kontakt sa preduzećima koje raspolažu resursima za navedenu vrstu poslova i imaju potrebno iskustvo na planu pošumljavanja.

Realizacija inicijative iziskuje novčana sredstva ali se u kordinaciji sa Šumsko – privrednim društvom ili JKP Rad projekat može realizovati sa minimalnim ulaganjem.

Ukoliko inicijativa dobije podršku predlažem nadležnoj službi Grada da Inicijativu stručno obradi, upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

7. Predmet : Obilježavanje mjesta pogibije boraca iz Odbrambeno – oslobodilačkog rata

Obrazloženje:

Radi očuvanja monumentalnog sjećanja na poginule vojnike AR BiH u našem Gradu predlažem da se u nekom od predstojećih budžeta Grada izdvoje sredstva za izradu i postavljanje spomenika ili tzv kenotafa na mjestima pogibije vojnika iz devedesetih godina. Spomenici mogu biti izrađeni od bilo koje vrste postojanog materijala , kamena, betona ili sličnog materijala sa naznačenim osnovnim podacima i godini pogibije a postavljali bi se po mogućnosti na mjestima pogibije ili u slučaju pogibije na miniranim područjima postavljali bi se u neposrednoj blizini mjesta pogibije. U slučajevima da su određena područja mjesta pogibije većeg broja vojnika mogla bi se predvidjeti izrada zajedničkog spomenika ali u veličini koja omogućuje da su osobni podaci dobro vidljivi.

Realizacija inicijative iziskuje značajna materijalna sredstva a konačan iznos se može formulisati samo u koordinaciji sa preduzećima koja se bave navedenom djelatnošću izrade spomeničkih obilježja.

Ukoliko inicijativa dobije podršku predlažem nadležnoj službi Grada da Inicijativu stručno obradi , upotpuni nedostajućim aspektima i da konačnu formu sa neophodnim pojedinostima potrebnim za izvedbu ideje.

8. Predmet: Inicijativa za osnivanje Kluba liječenih ovisnika o kocki

Obrazloženje:

Slijedom negativnih društvenih trendova u Bosni i Hercegovini i pojave teških oblika ovisnosti u našem gradu predložio bih Gradskom vijeću da razmotri mogućnost osnivanja Kluba liječenih ovisnika o kocki koji bi pružao usluge ambulantnog liječenja i podrške ovisnicima u apstinencijalnom periodu liječenja.

Ambulante ovog tipa egzistiraju na nivou pojedinih gradova već izvjesno vrijeme i pružaju značajan doprinos u liječenju i izlječenju ovisnosti o kocki a njihovo zasnivanje je u izravnoj koordinaciji sa Centrima i Zavodima za liječenje ovisnosti.


Zasnivanje ambulante bi se planiralo u dogovoru sa JU DZ Zavidovići kao ovlaštenoj ustanovi za oblast liječenja i provođenja zdravstvene zaštite u našem gradu i pretpostavilo bi mogućnost rada ambulante u nekom od dislociranih prostora izvan Doma zdravlja ili adekvatnom prostoru iz vlasništva Grada Zavidovići.

Osnovni koncept ambulante bi podrazumijevao adekvatno i stručno pruženu uslugu liječenja, vođenje medijskih kampanja za borbu protiv ovisnosti, uspostavu kontakata sa osobama koje su ovisne o kockanju, njihovu evidenciju, uspostavu Registra ovisnih osoba, prijedlog za nastavkom liječenja u nekom od specijaliziranih centara i td.

Kao poseban prilog navedenoj inicijativi saopštavamo sljedeće podatke: ovisnost o kocki u našem gradu ima epidemijske razmjere, po procjeni polovina stanovnika u zajednici u nekom trenutku svog života ima iskustvo sa kockom ; otprilike polovina adolescenata podliježe iskustvu kockanja, značajan udio među ovisničko populacijom čine žene, najveću zastupljenost među ovisnicima čine radno sposobne osobe, nepovoljni socijalni utjecaji kockanja na život pojedinaca i porodice su evidentni i prezentuju se najčešće poremećajima u porodičnom životu, braku , poslu , doprinose nepovoljnoj brakorazvodnoj statistici, kriminogenom ponašanju i td.

S poštovanjem ,

Vijećnik Skejić dr. Samir



**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI**

GRADSKO VIJEĆE ZAVIDOVIĆI

n/r Predsjedavajući Gradskog vijeća Zavidovići
gosp. Admir Fojnica, prof.


Dana, 28.02.2024.godine

U skladu sa Članom 8. i Članom 87. Poslovnika o radu Gradskog vijeća Zavidovići postavljam

Vijećničko pitanje :

Obzirom da imamo ograničene mogućnosti proširenja parcela gradskih grobalja "Flos" i "Žigića greblje", pitam : Da li gradska administracija trenutno radi na pronalasku nove lokacije za gradsko groblje, i u kojoj fazi su te aktivnosti?

Zamjenik Predsjedavajućeg
Gradskog vijeća Zavidovići
Šemso Fehrić dipl.el.ing



**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI**

GRADSKO VIJEĆE ZAVIDOVIĆI

**n/r Predsjedavajući Gradskog vijeća Zavidovići
gosp. Admir Fojnica, prof.**

Dana, 28.02.2024.godine


U skladu sa Članom 8. i Članom 87. Poslovnika o radu Gradskog vijeća Zavidovići pokrećem

Inicijativu :

Da se putem Federalnog ministarstva prometa i komunikacija pokrenu aktivnosti na nivelaciji kanalizacioni šahtova na magistralnom putu M17.1 "Žepče-Zavidovići-Banovići-Živinice", i to na dionici od mosta na rijeci Gostović pa do mosta na rijeci Bosni na ulazu u grad Zavidovići.

Nisu potrebna sredstva za realizaciju ove inicijative iz budžeta Grada Zavidovića.

Zamjenik Predsjedavajućeg
Gradskog vijeća Zavidovići
Šemso Fehrić dipl.el.ing



Datum: 28.02.2024. godine

**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući****Predmet:** VIJEĆNIČKO PITANJE, dostavlja se


1.

Na osnovu članova 8 i 87 Poslovnika o radu Gradskog vijeća Zavidovići upućujem vijećničko pitanje naslovljeno na direktora i menadžment Javnog komunalnog preduzeća „Radnik“ Zavidovići u kojem tražim informaciju o prikupljanju i odvozu električnog i elektroničkog otpada.

Obrazloženje: po planu imamo jedno sabirno mjesto za navedeni otpad, ali smo svjedoci da se isti miješa sa nesortiranim kućnim otpadom što značajno može utjecati zdravlje ljudi i zaštitu okoliša.

Mislim da bi se posebno trebali odrediti uvjeti i odredbe prikupljanja, odlaganje i predaje ove vrste otpada.

VIJEĆNIK:



Ferid Kaknjašević

Gradska organizacija SDP BiH Zavidovići Градска организација СДП БиХ Завидовићи

Sekretarijat: **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

Datum: 28.02.2024. godine


**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući****Predmet:** VIJEĆNIČKA INICIJATIVA, dostavlja se

Na osnovu članova 8 i 87 Poslovnika o radu Gradskog vijeća Zavidovići upućujem vijećničku inicijativu naslovljenu na direktora i menadžment Javnog komunalnog preduzeća „Radnik“ Zavidovići kojom predlažem izradu projekta i plana za ekonomski i ekološki prihvatljivo grijanje.

Obrazloženje: već dugi niz godina dvije kotlovnice za centralno grijanje u gradu su u takvom stanju da su amortizovane, sa nedostatkom dijelova i koriste ugalj kao fosilno gorivo.

Radi zaštite okoliša i zdravlja stanovnika te bolje ekonomske isplativosti krajnje je vrijeme da se ozbiljno krene u rekonstrukciju i zamjenu alternativnim izvorima energije.

VIJEĆNIK:



Ferid Kaknjašević

Gradska organizacija SDP BiH Zavidovići Градска организација СДП БиХ Завидовићи**Sekretarijat:** **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina**Tel:** +387 (0) 32 879-040
Fax: +387 (0) 32 879-040
E-mail: sdpzdici@bih.net.bawww.sdp.ba
facebook.com/sdpbih
facebook.com/sdpbihzavidovici

Datum: 28.02.2024. godine


**BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r Prof. Admir Fojnica, predsjedavajući****Predmet:** VIJEĆNIČKO PITANJE, dostavlja se

1.

Na osnovu članova 8 i 87 Poslovnika o radu Gradskog vijeća Zavidovići upućujem vijećničko pitanje naslovljeno na direktora i menadžment Javnog komunalnog preduzeća „Radnik“ Zavidovići u kojem tražim informaciju zašto u radni odnos nisu primljeni komunalni redari.

Obrazloženje: nakon usvajanja izveštaja o radu za JKP „Radnik“ za 2022. godinu jedan od zaključaka je bio da će se uposliti dva komunalna redara radi nadzora održavanja komunalnog reda i higijene.

VIJEĆNIK:



Ferid Kaknjašević

Gradska organizacija SDP BiH Zavidovići Градска организација СДП БиХ Завидовићи**Sekretarijat:** **Adresa:** dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina**Tel:** +387 (0) 32 879-040
Fax: +387 (0) 32 879-040
E-mail: sdpzdici@bih.net.bawww.sdp.ba
facebook.com/sdpbih
facebook.com/sdpbihzavidovici



Socijaldemokratska partija Bosne i Hercegovine
Социјалдемократска партија Босне и Херцеговине

sloboda, jednakost, solidarnost

BOSNA I HERCEGOVINA

Datum: 28.02.2024.

FEDERACIJA BOSNE I HERCEGOVINE

GRAD ZAVIDOVIĆI

GRADSKO VIJEĆE ZAVIDOVIĆI

n/r. predsjedavajući

Predmet: Inicijativa za donošenje odluke o finansiranju projektnih aktivnosti Sportsko rekreativnog udruženja "Enduro Zavidovići"

Poštovani, na osnovu člana 109. Poslovnika o radu Općinskog vijeća Zavidovići, u ime Kluba vijećnika Socijaldemokratske partije BiH u Gradskom vijeću Zavidovići podnosim INICIJATIVU za finansiranje projektnih aktivnosti Sportsko rekreativnog udruženja Enduro Zavidovići za 2024. godinu u iznosu od 5.000,00 KM

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Sportsko rekreativno udruženje "Enduro Zavidovići" je osnovano na inicijativu grupe ljubitelja ekstrem endure vožnje. Klub je osnovan u tokom 2020. godine i trenutno broji 53 aktivna vozača, te preko 100 članova udruženja i prijatelja kluba. Udruženje je član Moto saveza BiH, osnovano u cilju afirmacije i promocije sporta, uz posebni angažman vozača sa adrenalinskim vožnjama.

Obzirom da ovo udruženje, u prethodnom periodu, nije imalo značajnu podršku od strane Grada Zavidovići, a da pri tome svojim zapaženim rezultatima na domaćim i međunarodnim takmičenjima promoviše našu lokalnu samoupravu, predlažemo Gradskom vijeću Zavidovići da jednoglasno usvoji inicijativu za finansiranje projektnih aktivnosti Sportsko rekreativnog udruženja Enduro Zavidovići za 2024. godinu u iznosu od 5.000,00 KM.

Sredstva za realizaciju ove inicijative predvidjeti Budžetom Grada Zavidovići za 2024.godinu kroz konto 614122 Tekući transfer za fizičku kulturu i sport.

S poštovanjem,



Vijećnik SDP BiH

Haris Hodžić, dipl.oec.

Općinska organizacija SDP BiH Zavidovići Општинска организација СДП БиХ Завидовићи

Sekretarijat: Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba
facebook.com/sdpbih
facebook.com/sdpbihzavidovici

SPORTSKO REKREATIVNO UDRUŽENJE "Enduro Zavidovići" je osnovano na inicijativu grupe ljubitelja extreme endure vožnje. Klub je osnovan u oct-2020. god.

Trenutno klub ima 53 aktivnih vozača. 100+ članova i prijatelja kluba.

Klub u avg-sept. tradicionalno organizuje ENDURO druženje za vozače-jahače iz 10 tak zemalja,cca 400 gostiju. Gosti budu očarani entuzijazmom vozača, kvalitetu staza i samoj organizaciji. U 2021. smo imali u drugo mjesto u amater kategoriji. U 2022.god na državnom prvenstvu ucestvovalo je naših 7 vozača. Ucestvovali smo u svim kategorijama (pro, amater, veteran) osvojili smo 3. Mjesto ukupan poredak u BiH.

U 2023. god. smo nastupili u svim kategorijama. Na svim utrkama smo imali "postolje".

Ukupan poredak klubova: Viceprvaci BiH (2. mjesto u BiH). U BiH pod ingerencijom MSBiH djeluje 72 kluba iz motosporta. Premier Ligu cine 15 klubova (gradova). Vozi se 7 utrka u BiH i 3 medjunarodne.

Upravu kluba čine:

Gosp. Denis Radoncic – Predsjednik kluba

Gosp. Mirnes Bošnjaković- Potpredsjednik kluba

Gosp. Denis Marušić - član UO

Gosp. Adis Begić – član UO

Gosp. Nesad Tatar član UO

Gosp. Kasim Omerašević – predsjednik skupštine kluba

🇷🇪 VICEPRVACI BiH 2023 🇷🇪 U protekloj sezoni naš klub je osvojio DRUGO MJESTO u ukupnom poretku "Enduro".

U 2023. smo aktivno učestvovali na svim zvaničnim utrkama u BiH i Alpe Adria. Do zadnje utrke bilo je neizvjestan raspored u ukupnom poretku klubova, kao i kategorijama u kojim smo učestvovali. MS BiH kalendar prvenstva u Enduru ima 7 domacih i 3 regionalne utrke. U prosjeku na utrci nastupi 80-100 vozaca. Enduro Zavidovići je najjaču PRO kategoriju napao sa vrhunski spremnim Maid Serhatlic. Alpe Adria extreme enduro championship Maid Serhatlic i Ejub Buza. Amater kategoriju su iznijeli Mirsad Ljubijankic, Anes Selimovic, Mirnes Bosnjakovic i Kerim Oruč. VETERAN kategoriju neprikosnoveni Senad Begic i Indir Durmic.

Ceremonija proglašenja pobjednika u Kresevu pokazala je ozbiljnost ovog Sporta. Na istoj su prisustvovali eminentni gosti iz Ministarstava - Ministri sa drzavnog, Federalnog i Opcinskih nivoa, predstavnici iz cijele BiH i regiona, predstavnici sponzora, medija i dr. Svecana sala Hotela Adriale je bila ispunjena do posljednjeg mjesta. Nakon izlaganja gostiju proglašenje je pokazalo da je svaka utrka/postolje u 2023. bila rezervisana za nas klub.

Ukupni rezultati za 2023. : PRO kat - ukupan poredak Maid Serhatlić 2. mjesto 🏆 Veteran kat - ukupan poredak Senad Begic 2. mjesto 🏆. Proglašenje najuspješnijih klubova 2023. ukupan poredak SRU Enduro Zavidovici 2. mjesto 🏆 Specijalna nagrada za uporan rad, organizaciju kluba za sezonu i doprinos "Počasni član MS BiH" - Mirnes Bošnjaković.

Regionalno takmičenje Alpe Adria extreme enduro championship Maid Serhatlić 2. mjesto 🏆

Pored zvaničnog dijela pod pokroviteljstvom MS BiH nasi vozacu su takodjer učestvovali na mnogim Enduro druženjima u cijeloj BiH, koje su organizovali klubovi na svojim stazama.

Na našim enduro stazama bilo je vožnji i druženja koji su posebno za nas značajni, jer klub želi zadržati čar tih zajedničkih trenutaka članova kluba.

U nadi da će naš grad prepoznati ovakve rezultate, srdačno Vas pozdravljamo.



Enduro klub Zavidovići

Klub je osnovan u oktobru 2020. na inicijativu ljubitelja enduro-cross vožnje. Najveće zasluge pripadaju Kasimu Omeraševiću koji je inicirao da sve to ima neku svoju priču, sada i ubuduće. Družilo se spontano, a na vožnjama se nađe po 30-tak vozača. Trenutno klub ima 41 člana i svi su vozači. Klub je u augustu 2020. organizovao družnje za vozače iz BiH koji su bili ocharani entuzijazmom vozača kao i kvalitetom staza. U 2020. godini na državnom prvenstvu učestvovala su naša 2 vozača i to Ismail Keserović i Elvis Džinić. U ukupnom plasmanu Ismail Keserović je bio treći, a Elvis Džinić među prvih 15. Nažalost u tom trenutku nismo imali završenu registraciju kluba, pa su naši vozači nastupili "bez kluba".

Jedan od naših najboljih vozača i nada je Ismail Keserović. Rođen je 08.02.1994. godine. Na Enduro Fenix-u osvojio 3. mjesto u hobi klasi sa TM racing 250.

Više o Ismailu na:


- Ismail Keserovic
- keserovicismail
- Crazy Flight

Naši planovi su da pored učešća na svim takmičenjima u BiH budemo među prvih 3 kluba u BiH u konačnom plasmanu klubova. Uskoro planiramo registrovati u MSBiH zvaničnu stazu u Zavidovićima, te organizovati prvenstvenu trku BiH. Ovisno o mogućnosti ma i pronalasku sponzora, naše vozače planiramo slati i na međunarodna takmičenja.

Upravu kluba čine:

- Aldin Sinanović - Predsjednik kluba
- Mirnes Bošnjaković - Potpredsjednik kluba
- Denis Marušić - član
- Adis Begić - član
- Denis Radončić - član
- Kasim Omerašević - predsjednik skupštine kluba

U 2021. godini očekujemo podršku lokalne zajednice, tj. općine Zavidovići i očekujemo da će prepoznati naše aktivnosti u promociji same općine. Također očekujemo podršku dru-




gih nivoa vlasti nadležnih za praćenje sportnih klubova. Imamo odličnu suradnju sa klubovima iz BiH, obostrano se posjećujemo na druženjima. Izdvojili bi enduro klub iz Sarajeva na čelu sa gospodinom Samirom Nesimovićem, te kolege iz Jelaha, Zepča, Banovića, Zenice, itd. ■

Tekst: Mirnes Bošnjaković
Photo: arhiva Enduro klub Zavidovići



Nasa 2 vozaca sa takmicenja

Ismail Keserovic i Elvis Dzinic



Sezona 2023.







ALPE ADRIA BMW & BIH HAMPANSKI

ADRIALE HOTEL
EPS LASTRO
METALOS
SERO AUTO
RIVAL B&V CO
SPECTRUM
milicevic
EISBERG
nevro
UKIC d.o.o.
KRESEVO
Ribajak
DŠ Or. Boris Covic Kreseno
DVD KRESEVO

MOTORCYCLE
BIH
MOTOCIKLIST

2 1 3



ALFA ADRIAL, BMU & BIH CHAMPIONSHIP


VOVAČA, 17. SEPTEMBAR 2023

- ADRIALE HOTEL
- EPS LASTRO
- METALOS
- SERO AUTO
- LIVODRANJA
- RIVAL B&V CO
- SPECTRUM
- millčević
- YU PLANET
- EISBERG
- nevra
- LUKIC d.o.o. KRESEVO

- MOTORC
- MOTOC
- ENX
- MO




Slike s Fenix utrke -internacionalna utrka (3 dana traje)



Sezona 2022.





Vozači - članovi kluba SRU Enduro Zavidovici

Klub ima oko 150 članova, 53 aktivnih vozača, 10 profi.

